

Theologia dogmatica.
Turnovii Joh: De aeterna
Dei praedestinatione.
Francof. mih. Koch. 1627



585773

Mag. St. Dr.

I.



585773I

Mag. St. Dr.

28.
JOHAN.
TURNOVI
de
AETERNA
DEI PRÆDE-
STINATI-
ONE.

P. P.

Affertio
&
Confessio.

Ther
9775
Francofurti

Literis MICHAELIS KOCHII
exscripta.

Anno M. DC. XXVI.

XXIV. 5. 6.



585773

I

QUOD
Omnium Controversiarum

In Extremum usque Diem,
Supremus JUDEX

SANCTISS. DN. N. JESUS
Feliciter

ECCLESIA CATHOLICA
Sacrarum SCRIPTURARUM Veritatis
Columna, Tellis, Index

Approbet

*Hanc Simplicem, Planam,
Et Quantum Id Fieri Potuit Plenam;
Hortamento & Auctoritate*

AUGUSTISSIMÆ
REGINÆ SVECIAE
INFANTIS,

Ex. XXX. amplius annorum,
Pub. Profefs.

De

ÆTERNA DEI PRÆDE-
STINATIONE

Recens Reperitam Sententiam;

ILLUSTRIBUS
&
ORTHODOXIS
SERENISS. ELECTO-
RIS BRANDEBURGICI
FRANCOFURTENSIS
&
REGIOMONTANAE
ACADEMIIS,

In
Honoris, Observantiae & Amoris
Testimonium

Cum
Omnium PROSPERITATUM
SEculi & AETERNITATIS
PIO VOTO

Ioannes Turnovius

Dat,

Dicat,


Consecrat.

Æternum Evangelium

Professo

Pacifico LECTORI

Salutem à S A L U T E.



*Implicem de aeterna DEI præ-
destinatione sententiam, quam
citra partium studium & cu-
juspian præjudicium, quan-
tum id quidem fieri potuit ita
planè & plenè, ut non curioso
sufficiat, exponere conatus sum;
LECTOR pacifice, dextrâ
manu, candidoq; pectore accipe, eodemq; Tua, vice
versa, si præsertim planiora pleniorave in hanc rem
habet exhibe, mecumq; communica, quò piè nego-
tiosi in pace & veritate, talento nobis tradito ad
CREDITORIS Opt. Max. laudem nostram, con-
fratrumq; nostrorum salutem proficientes sancto u-
trinq; lucro & fœnore augeamur.*

*Optarem equidem, omnes, quibus J E S U S
CHRISTUS heri & hodie idem, eodem semine
immortali verbo Domini manente in æternum, uno
Baptismate, una Eucharistia integra administrata,
uno & eodem Spiritu S. eò ejusdem hereditatis pos-
sessionem*

seſſiorem, externè internè oblatuſ, fide efficaciſſimè
perceptuſ eſt; Optarem, inquam, ſecundum, terti-
umq; repeto, optarem animi tuſ, omneſ qui invocant
nomen Domini noſtri JESU CHRISTI, uni-
co huic Prophetarum & Apoſtolorum fundamento,
merum aurum, argentum purum lapideſq; precioſoſ
ſuperſtruere.

Sed quid faciamuſ? ſiqui noſtrum cum natura
infirmiſ, donorum imbecilliſ, judiciuſ tenuita-
te, mala inſtitutione, antecellorum, vel coactaneorū
malè feriſ, auctoritate, incenſione, temporum
ignorantiſ, duratione, tritaſ, conſuetudine, zelo
minus ſcientia temperato, affectu, defectu, erro-
reſ, quopiam alio circumventi, pretioſum à vili
tam exactè ſecernere nequeant? ſi fundamento ſo-
lido, citra quidem ipſiuſ periculum, at non ſine pro-
prii operiſ jactura, ligna, ſcenum, ſtipulaſ, ſuperin-
ducant: hallucinentur & impingant: alii aliſ gra-
vius, à Domino cui cadunt, tum cum illi viſum fu-
erit erigendi, utiq; & ipſi ſervandi, ita tamen ſicut
per ignem, ſive iſ tentationum; vel in ipſo ultimo
agone ſit, ſive S. Spirituſ ſingulariſ aliqua antece-
dentiſ alia depurgatio.

Cæteroquin, quid fieret cum tot myriadum my-
riadibuſ hominum, qui in gremio Eccleſiæ nati &
Chriſto initiati, dextram ſuam à ſiniſtra dignoſcere
non

non norunt? Quid fieret cum illis, qui controversi-
arumstrarum imperiti simplices ut columbae, ta-
men se per Domini Iesu Christi gratiam servari
certo credunt, & ne infructuosi sint, temperantia,
iustitia & pietati in presenti seculo dant operam, ex-
pectantes speratam beatitudinem adventumq; glo-
riae magni illius DEI ac Servatoris sui & nostri
Iesu Christi. Surguntq; indocti & rapiunt caelos,
multos suis cum scientiis in carnis & sanguinis vo-
luta bro relinquentes.

Expertus sum, scribit, graviter Saxonia illud
lumen clarissimum Praefatione in tria Symbola: qua
extat in Jenensi Germanico Tomo 6. p. 575. b. ty-
pis descripto An. 1557. Expertus sum & observavi,
in omnibus, totius Christianitatis actis, omnes illos,
qui Principalem Articulum de IESU CHRISTO
rectè habuerunt & retinuerunt, probè & tutò in ve-
ra Christiana fide perstitisse, & licet aliàs circa qua-
dam alia, vel errarint vel peccarint, finaliter tamen
servatos esse. Nam qui hìc rectè & firmiter consi-
stit; Quod IESUS CHRISTUS verus DEUS &
Homo est pro nobis mortuus & resuscitatus: huic
accedunt reliqui omnes Articuli & firmiter ei assi-
stunt. Hoc usq; adeò certum est, quod D. Aposto-
lus adstruit; CHRISTUM esse principale bo-
num fundamentum, fundum, & totam summam,
ad quem

ad quem aggregantur & in quo inveniuntur omnia,
& in ipso sunt omnes thesauri sapientia ac cognitio-
nis absconditi: Col. 2, 3. sicut & ipse dixit: qui ma-
net in me & in quo ego, hic fert fructum multum. Jo-
an. 15, 5. &c. &c.

Idem laudatiss. Pater pro suo candore, non tan-
tum inter didactica & Polemica scripta distinguit:
sed & in Polemicis se humanum aliquid passum, con-
tentionisq; astu quandoq; abreptum fuisse non dif-
fitetur: Tom. I. p. 367. an. 1555. Jena editi. Profe-
tò, si ob errores, circa fundamentum commissos da-
mmandi essent singuli, vix, ac ne vix quidem aliquis
ex antiquitate indemnis superesset, nisi fortè mala
fide ipsorum scripta ad nos sint delata. In multis
certè labimur omnes pronunciantes D. Jacobo cap.
3, 2. Et, quotusquisq; est, qui suis navis careat, qui
in se descendat, qui se potius quàm alium examinet?
Amicorum vitia agnoscenda, non ipsos odio haben-
dos esse Ethnici concordie causa suadebant. At
religio conservos cadere aperte vetat: infirmos in
fide suscipere, praecipuos in aliquo delicto, in spi-
ritu lenitatis imperat instaurare; ad nosmetipsos
attendentes, ne & nos tentemur. Si ignem spirante
vultu, quemlibet intueri, in ejusdem matris filios
insurgere, litem ex lite serere, & ob quamcunq; di-
screpantiam, si ob verborum quodvis dissidium,
aut

aut offensam leuem, etiam proximum quenque, vel
absentem, vel etiam vitâ pie functum de Ecclesia
quoq; DEI benè meritum, anathemate ferire ali-
quid proficeret: Satis superq; integro propemodum
centenario; satis proh Jesu! decertatum; satis vivis
& mortuis insultatum: satis miseris miseria cumu-
latum; satis dimicatum hæcenus declamatumque
est, ut rursus Lutherus in responsoria ad Helvetios
Epistola Tom. 6. p. 542. dissidia, teste DEO super
animam invocato, exosus contestatur.

Quin igitur & nos Pacificè LECTOR, Tur-
bonibus, quorum intra & extra Ecclesiam plena o-
mnia, meliorem mentem precati, si incurabiles sint,
diuino iudicio, quod nō emanabit, relictis, ex ensibus
vomeres, è spiculis falces cudimus: quin sepositis ar-
mis, omniq; animorum acerbitate, in pace de verita-
te, cum pacem poscentibus transigamus: quin veri-
tatem in pace, cum illis qui id à nobis, salute periculo-
que communi exigente, jure postulant, excolimus.

Sic nos sanctissimus DEI & Hominum pacifica-
tor Immanuel adjutet. Sic nostros Ucalegontas, quo-
rum proximus paries ardet, quorum culta novalia
impius miles habet, sacraria, calamitosum nefas, pro-
phanat, Augustiss. Princeps Pacis Jesus propitio
cultu recreatos, armipotente dextra a vitis sedibus,

B

pristis

pristinisq; fortunis restituat. Sic Ecclesiam Catholi-
cam filiorum pacis, in numero numero augeat.

Sic servis suis propitius factus Dominus vi-
tiis, peccatis & delictis nostris condonatis, pro re-
cens ineuntis anni xeniis; post nubila Phœbum, post
bella, seditiones, fames & pestes, pacem, bonam aeris
temperiem, rerumq; abundantiam prosperitatesq;
omnes alias nobis largiatur, sua nos clementia satiet,
nostros nobis fratres fidos; inimicos pacatos red-
dat, ac tandem universos & singulos in sus-
pernam Hierusalem placidissime
transferat. Amen,

VOVEBAM TORUNĬ.



I. Præde-

1. **P**rædestinationem Latini à prædestinando, Græci προορισμὸν, ἀπὸ τοῦ προορίζειν deducunt. Significat verò Prædestinatio *Primò*, rei alicujus sive dandæ sive faciendæ sive permittendæ præconceptam animo determinationē: Act. 4. v. 28. 1. Cor. 2, 7. *Deinde* rei alicujus ab alijs segregatæ ad certos usus seu fines per convenientia media destinationem, Rom. 8, 29. 30.
3. Unde προορισμὸς prædestinatio seu præfinitio, finem & media complectitur.
4. Augustino, Fulgentio, Prospero, Isidoro, Vetusioribus cæteris Orthodoxis non repugnantibus ad gratiam & iram ad vitam & interitum, ad electionem & reprobationem ex æquo extenditur Aug: Ench: c. 100. in Joan: tr: 45. de C. D. l. 15. c. 1. Fulgētii ad Monim. l. 1. c. 23. 24. 26. Isiod. l. 2. c. 6. Concil. Valentini anno 855 celebrati. c. 3.
5. Hos qui ex recentioribus sequuntur id probare nituntur. *Primò* Testimoniis, Mal. 1. 2. Rom 9. 11. 13. 18. 22. 23. Matt. 25. 41. Act. 1. 25. c. 4. 22. 28. 1. Thess. 5. 9. 1. Petr. 2. 8. Judæ: v. 4. Prov. 16. 4. *Deinde* relativorum natura: eò quod unius electio, alterius sit communi sub genere relictio seu reprobatio: tum duplici hominum in hac Matth. 7. 13. 14 & post hanc vitam salutis & exitii statu, Matt. 25. 34. 41. 46. ex æterna Dei prædestinatione promanāte.

6. Solent denique excipere, damnationem etiam reproborum ritè finem dici; esseque bonum, morale, qua justitiæ potentiaque divina est declaratio, & cum qui Christi mortem, generisque humani redemptionem, ut finem prædestinavit, non absurdè dici Herodem quoque & Pilatum, ut instrumenta sive media inferendæ mortis præfinivisse.
7. Nobis tamen & veritatis, & pacis simul apprimè studiosorum illorum magis probatur sententia, qui prædestinationem, vel pro electionis parte sive gradu, vel pro ipsa ad vitam æternam Electione usurpant, & quibus Synonyma ferè censentur esse, προορισμός, ἐκλογή, ἐκλογή χάριτος, ἐξέστις καὶ ἐκλογήν, ordinatio ad vitam, in librum vitæ inscriptio, cōstitutio ad salutem imò προγνωσις, præcognitio sive prænotio &c. ut & Electi, oves Christi, triticum, sancta Hierusalem, aliisque nominibus insigniuntur,
8. Ipsa tamen electionis vox, non uno eodemque modo sacro in canone sumitur. Nam communissimè, quod vis carum, pretiosum, DEO & hominibus probatum, acceptumve, *Electum* audit, licet etiam inanimatum, vel quidvis aliud, triste illud, turpeve quid sit. Sic electum jejunium, Isai. 58. 6. regio. Gen. 13. 11. & locus à Domino electus. Deut.

Deut. 12. 18. Cedri Jerem. 22. 7. femur, armus, Ezech. 24. 4. sepultura electa. Gen. 23. 6. apud Jobum denique anima elegisse suspendium dicitur c. 7. 15.

9. Secundò usurpatur Electio pro rationalium segregatione & aliorum præ aliis aliqua, quæ fit ab hominibus, dignatione; sic Moses elegisse viros fortes dicitur, quos super Israel constitueret, Exod. 18. 25. Ita & Principes Pharaonis electi appellantur Exod. 14. 7. c. 15. 4.

10. Nobis de illa segregatione & electione res est, quæ fit authore DEO, creaturasque rationales concernit: sed hæc rursus aut angelorum 1. Tim. 5. 21. est: aut hominum.

11. Angelorum præterita nunc, quia singularis ipsa est: hominum iterum pro finium diversitate diversa est: licet quandoque concurrant: alia enim ad ministerium Ecclesiasticum electio est. Luc. 6. 13. Joh. 6. 7. alia ad gubernationem politicam. 1. Sam. 10. 24. alia ad fœderis participationem. Deut. 4. 27. c. 7. 8. alia denique ad salutem finaliter consequendam. Eph. 1. 4. 2. Thess. 2. 16.

12. Hic porrò rursus *ἐκλογή*, vel ipsos electos ad salutem significat, ut Rom. 11. vel Electionis æternæ Consilium, sive præparationem ad gratiam & gloriam notat. Denique pertinet ad homines

jam natos & à peccatorum consortio, in tempore, ipso actu segregatos.

13. Antepenultima significatio hujus loci est propria: ubi tamen insuper adhuc tenendum, cum electos in Christo, tum Christum ipsum electum nuncupari.

14. Ac Christus quidem disertè electus & præcognitus dicitur Matt. 12, 8. Isai: 42, 1. 1. Pet. 1. 20. Paulus verò Apostolus eundem archetypum esse, ad quem præcognitos, prædestinatos & electos conformari oporteat, non obscurè innuit. Rom. 8. 17. 29.

15. August: denique de Prædest. Sanct. lib. 1. c. 15. ita scribit: *Est etiam præclarissimum lumen prædestinationis ac gratia ipse Salvator, ipse Mediator DEI & hominum Homo CHRISTUS JESUS, qui hoc ut esset, quibus tandem suis, vel operum, vel fidei præcedentibus meritis natura humana, quæ in illo est, comparavit? Respondeatur quæso; Ille homo, ut à Verbo Patri coæterno, in unitatem personæ assumptus filius DEI unigenitus esset. Unde hoc meruit? quod ejus bonum? qualeq; præcessit? Quid egit ante, quid credidit, quid petiuit, ut ad hanc ineffabilem excellentiam perveniret?*

16. Ex his planum, Christum, quâ homo futurus erat, propriè etiam Electum & præcognitum di-

ti, ejusque in plenitudine temporis conceptionem, nativitatem, & quicquid ab illa, in diebus carnis suæ noster Messias gessit, & reliqua præcognitionis, sive consilii & prædestinationis divinæ æternæ, effecta esse.

17. Magnum tamen inter Electionem CHRISTI & eorum qui in Christo electi, est discrimen, sive suppositi rationem, sive finem & officium, sive media electionis illius & horum species.
18. Nam licet CHRISTUS non quā DEUS, sed quā homo, (vel, si officium spectes, quā Mediator) proprie prædestinatus & electus sit: est tamen IMMANUEL, *θεὸς ὁ μετὰ ἡμᾶς*, Gigas geminæ substantiæ, DEUS sanctissimus, omnia sanctificans, benedictus in secula, & Homo in plenitudine temporis, natus sine ulla labe ab utero sanctificatus & sanctissimus, cæteri electi, meri homines, ex prædamnata in Adamo massa in peccato nati, naturā filii iræ, sanctificandi benedicendi que in hoc benedicto semine. Christus est qui fecit nos: nos autem sumus opus ipsius: non solum quia homines: sed etiam quia justi: ut Aug. de verb. Apost. serm. 15. scriptum reliquit.
19. Cum tamen, humana Christi natura, secundum quam ei prædestinatio ratione tum *essentia*, tum *officii*, ad quod exequendum unā cum divinitate con-

ne concurrat, competit, per se *ipsius* non fit: sed
in divina *consuetudine* subsistat: ea de causa toti
personæ, quæ Filius DEI est, prædestinatio à gen-
tium Apostolo tribuitur. Rom. 1, 4.

20. Finis & munus ad quod Christus prædestinatus
& electus est, Prophetam, Sacerdotem & Re-
gem supremum sine successore ullo agere: Psal. 2.
& 100. Deut. 18. 15. 18. Heb. 7. 24. atque ita caput
totius Ecclesiæ Eph. 4. 16. principem & principis-
um Electorum omnium, imò primogenitum,
universæ creaturæ. Col. 1. 15. & seqq. esse, ab initio
mundi mactari. Apoc. 13. 8. heri, hodie, in secula,
sive perpetuò existere. Heb. 13. 8. præstantiorem,
Angelis fieri Heb. 1, 4. ad dextram DEI Patris in
coelis, longè supra omne Imperium ac potesta-
tem & potetiam & Dominationem locari. Eph.
1. 20. 21. Phil. 2. 9. in medio inimicorum domina-
ri. Psal. 110. 1. Cor. 15. ab Angelis, imò ab omni cœ-
lestium, terrestrium & subterraneorum flexo ge-
nu religiosè adorari, Heb. 1, 6. Phil. 2, 10.

21. Cæterorum verò à Christo per eum & in eo ab
æterno Electorum, muneris atque officii est, ab
hoc principio & principe, unice dependere: ab
hoc Propheta & Doctore revelationem Evan-
gelii æternis temporibus taciti mutuari: huius sa-
crificio Sacerdotis, perfectè ab omni peccato
emundari,

mundari, justificari, sanctificari, huic coeli, terræ,
universæque creaturæ Catholico Regi parere: il-
lum religiosè adorare, ejus sub signis in terris, sua
quemque in statione strenuè & acriter militare,
ejusdemq; victoris, triumphatoris omnipoten-
tissimi viribus, diabolum, mundum, carnem, &
utramque mortem vincere, in hujus Mediatoris
nomine, hostias D E O gratas offerre, tandemque
cum eodem in super coelestibus locari & æterna
gloriâ coronari.

22. Progressus & media Electione Messiaë determi-
nata sunt, nostræ Electionis prima post D E U M
principia: per Spiritum S. virtute Altissimi conce-
ptio, humanæ naturæ à λόγῳ assumptio, ex virgine
nativitas, nominis Jesu singulariter impositi ac-
quisitio, usurpatio, spiritus citra mensuram col-
latio, possessio, tentationū, infirmitatum omni-
um, citra tamen peccati maculam propeffio, o-
perum *ἰσχυροῦ* administratio, plenissima Evan-
gelii annunciatio, passio, mors, λύτης per solutio,
ad inferos descensio, tertia die resurrectio, supra
omnes coelos ascensio, ad dextram Patris sessio,
inde ad vivorum mortuorumq; judicium redi-
tus, regniq; tandem D E O & Patri traditio, ut sit
D E U S omnia in omnibus & quicquid ejus ge-
neris Scriptura S. prodit, æternitasq; propalabit.

23. Ex his porro mediis, tanquam principalibus fontibus, manant gradus & media nostræ Electioni præparata, nempe Spiritus S. super Ecclesiam effusio, Ministerii institutio, ad unitatem fidei omnium gentium vocatio, externa internaq; & ad hanc consequens justificatio cæteraq; de quibus infra.
24. Atq; ita, Christi quidem Electio est æternum propositum, quo DEUS constituit λόγον humanam naturam assumere, nasci, agere, pati, Angelorum & hominum caput fieri, inter DEUM & homines mediatorem esse, æternam redemptionem credentibus acquirere, sibi omnia subicere, ad suam gloriam & electorum salutem.
25. Hominum verò Electio est æternum propositum DEI de universis & singulis, mero DEI beneplacito sive dilectione perpetua, ex universa peccati in Adamo justè prædamnata massa, in Christo Jesu præcognitis, evocandis, justificandis, & glorificandis ad DEI & Θεου πατρὸς gloriam & perenne omnium Electorum bonum.
26. Efficiens hic jam prædestinationis est DEUS Pater, Eph. 1, 4. DEUS Filius; Joh. 13, 8. c. 15. 16. 19. DEUS Spiritus S. argumento locorum, Joh. 3. 5. 1. Cor. 12. 3. Eph. 4, 4.
27. *νεκρῶν ἐν ὁμολογίᾳ* gratia, dives gratia, merusque favor,

favor, & dilectio inenarrabilis, liberrimæque voluntatis, consiliiq; divini, *Eph. I. 5. 6. 9. II.*

28. Atque hîc inter generalem dilectionem illam, quâ Deus omnia quæ creavit, totumque genus humanum suam ad imaginem creatum diligit, & inter illam quâ suos, sive Electos in Christo Jesu, in illiusq; sanguine justificatos, singulariter ab æterno in æternum complectitur, Apostolum secuti *1. Tim. 4. 10. Psal. 104. 31. Rom. 5. 8. 9.* distinguimus.

29. Ita verò Deus in sese secundum benevolentiam quàm proposuerat *Eph. I. 5. 9.* nos prædestinasse perhibetur, ut tamen prædestinationis sive Electionis Subjectû in quo, CHRISTO sit *ἡ ἀντιπροστασία*. Dicimur enim benedicti, electi in Christo, in ipso, in dilecto, per sanguinem ipsius gratia *Eph. 1. 6. 13. 4. 5. 6. 7. 10. II.*

30. Utrumq; hoc, soli tantum Deo omnem Electionis rationem vendicat, ne ulla ejus causa propriè ita dicta extra Deum in ipsis Electis fingatur: prius tamen posterioris causâ & posterius primæ quasi *συναιτία* sive concausâ primumque medium eligendis æternâ divinâ dilectione destinatum. Hinc utrumq; & *ἡ εὐδοκία τοῦ Θεοῦ* & Jesus Christus fundamētum electionis dici potest, sed prius antecedenter, posterius consequenter.

31. Ita liquidem in se DEUS *ἰδὲν ὁρῶν* hominibus Electis sua *προνοία* favore & Electione æviter-
na crexit præparavitq; , ut nobis prorsus nefas sit
Electionem nostram æternam extra Christum
querere.
32. Materia prædestinationis soli illi sunt; qui ex pri-
mo Adamo naturaliter propagati & in illo da-
mnati denatiq; , in secundo verò Adamo electio-
nis divinæ beneficio renovandi & illi fide perse-
verante inserendi sunt.
33. Duæ hujus unius materiæ affectiones perpetuò
hic ob oculos esse debent; ut & nobis primigenia
nostra corruptio miseriaq; , & divina misericor-
dia, dignatioq; manifestè sit ad nostram confu-
sionem DEIQ; gloriam perspecta.
34. Prima affectione (quæ nonnullis *μεγαλαχρῆν*
Electionis non abs re dicitur) pares sumus reli-
quis, quotquot Adamo nati & qui nascentur ab
illis. Sumus enim hic ex æquo omnes massa
illa, quæ per liberum arbitrium primi hominis in
condemnationem universa defluxit, ut Aug: *E-*
pist. 106. loquitur, velut Apostolus: omnes sub
peccato conclusi: *Rom.* II, 32. *Gal.* 3, 22. mortui
in delictis & peccatis nostris, naturâ filii iræ *Eph.*
2, 1. 3. 5.
35. Et licet alii à communi isto lapsu magis, alii mi-
nus:

mus durī naturā existerē quibusdam dici vel videri possint: aliiq; misericordia, quā si magis fortasse digni prae aliis censeantur. Nemo tamen non mortuus, nec tam mollis aliquis, ut seipsum porro emollire, vel in vitam asserere, aut, aliquam quæ vera solida & perfecta virtus sit Deo, quæ placens, edere potuerit; si vel omnes naturæ reliquas vires in id intendissent.

36. Non secus, ac non tantum *Lazarus*; sed nec vel *adolescens*, vel *Jairi filia* à morte se in vitam revocare potuerunt; utut *Lazarus* *quatriduanus* jam & *extens* & *adolescens* è porta elatus, at puella primum recensq; mortua fuerit.

37. Atque ita primi divini, ut ita loquamur, intuitus respectu, & ratione termini à quo, illi ipsi qui eligendi, nihil in se existentis habuere, seu dignitatis naturæ, seu generis seu operum, seu bonæ voluntatis, seu possibilitatis, seu fidei, seu istiusmodi aliquid aliud, quod Deum, ut in ipsis inexistens prævisum, ad eligendum permovere potuerit.

38. Quod de cæteris quid em initio statim controversiæ cum Pelagianis Orthodoxi compertum habuerunt. De fide tamen, dubium olim fuit; ut & nunc adhuc quæri solet, num illa *causa* sit *causa* movens & impellens causa & instrumentum Electionis æternæ instituendæ.

39. Augustinus profecto, acris ex teroquin Hæreticorum confutator, imprimis suis cum Pelagianis conflictibus, ita titubavit, ut SemiPelagianismi purus non esset; asserere enim DEUM non elegisse quidem opera cuiusq; in præscientia, quæ ipse daturus esset; sed fidem elegisse in præscientia: ut, quem sibi crediturum esse præscivit, ipsum elegerit, cui Spiritum S. daret, ut bona operando etiam vitam æternam consequeretur. Quinimò apertè dicebat: Quod credimus nostrum est, quod autem bonum operamur, illius est, qui credentibus dat Spiritum S.

40. Sed hæc & si quæ ejusdem notæ plura in prioribus D. Augusti: reperiantur, dicturus non fuisset, situm jam scivisset ipsam fidem inter DEI munera reperiri; id quod ipse de se ingenuè proficitur,

41. Postquam igitur ex scripturis, quas tum alibi, tum in lib: de Præd: Sanct: allegat, quales in Joa: cap: 6, 29. c: 15, 16. Rom: 5, 8. 1. Cor 4, 7. 1. Cor: 7. 25. Eph. 2, 8. 2. Theß: 3, 8. 1. Joh 4, 10. & aliis locis, id quod antea nec scivit, nec quærendum esse putavit, certè agnovisset, priorem illam suam de fide prævisa sive electionis efficiens, sive instrumentalis, sive quocunque alio modo electionis meritoria gratiam antecedens fingatur, sententiam.

tiam
mus,
lib. R

42. Perp
crou
rady
existe
fidele
elect
esse L
in ca
ipse p
ditur
nepr
ablu
vos

43. Vid
30.3
no p
dem
Hoc
nem
nisi
M. L

44. Fu
ren

tiam, vel errorem, ut ipse vocat, *suum* rejecit primus, & publicè coram Ecclesia DEI revocavit, lib. Retract: l. c. 23.

42. Perpetuoque in posterum laudatissimus hic sacrorum cultor & Antistes, tenuit docuitq;: à Paradysiaca panolethria, nullum in primo Adamo existentium vas misericordiæ dignum, nullum fidelem electione DEI inventum: *sed fidelem electione gratuita factum: quod credimus opus esse DEI: fidem in filiis iræ, non magis ac vitam in cadavere prævideri potuisse, nisi eam quam ipse primam Deus daturus esset: non quia credituri eramus: sed ut crederemus nos electos esse, ne priores elegisse dicamur, falsumque sit, quod ablit, illud Domini: Non vos me elegistis sed ego vos elegi.*

43. Vide auctoris, honoris ergò nominati, Ench: cap: 30. 31. 32. de prædest: Sanct: l. l. c. 3. & seqq. & de bono perseve: l. 2. c. 16. Perpende & illa ejusdem, eodem in lib: l. c. 18. fidentix plena. Ita enim fatur: *Hoc scio, neminem contra istam Prædestinationem, quam secundum scripturas S. defendimus nisi errantem disputare posse: & confer cum M. Lutheri Diatribes conclusionē.*

44. Fuit materiæ affectio prima ipsi naturæ inhærens quæ & *materia communis, & materia ex qua eligen-*

eligendi, & materia prima dici possent: sequitur
materia Electionis *secunda* appropriata, ut dici
solet, & terminus ad quem Præcogniti sive cre-
dituri, inq; fide perseveraturi.

45. Fides enim hæc prævisa, non est in objecto eli-
gibili, ut inexistentis natura, innataq; sed *προϋποθε-
τα*
demum, gratia dilectioneque æterna illata, im-
pressa: nempe quam gratia superveniens indidit,
non verò Deus æternâ suâ scientiâ inhærentem
inhæsuramve prævidit. Ille quippe nos fecit cre-
dere in Christum, qui nobis fecit in quem credi-
mus Christum, ille facit in hominibus principium
fidei & perfectionem in Jesu, qui fecit hominem
Principem fidei & perfectorem Jesum, ut rursus
habet Aug: de præd. Sanct. l. i. c. 15. legantur &
seqq. cap.

46. Præcognitio siquidē gentiū Apostolo *προϋποθε-
τα*
Rom. 8. non est quævis sive generalis præscien-
tia, sed specialis & singularis sive gratuitus favor,
amor, dilectio, & cura DEI, qua suos gratis ab æ-
terno dignatur.

47. Quod & Pererius Jesuita, in cap. 8. Epist. ad
Rom. disp. 21. apertè fatetur, cujus verba in thesi-
bus de Consiliis DEI æternis in genere thesi 41.
recitavimus.

48. Ut igitur homines eligendi vel in æterna mente

DEI

DEI electi, à primo in Adamo lapsu, gloria Dei
& fide destituti, cæterisq; omnibus bonis natu-
ralibus salutaribus orbat, planè in peccatis nati
extiterunt: ita à *προνοίας* sive favore mero divi-
no accessit, quicquid postea vel fidei, vel boni o-
peris in singulis electis prævideri potuit, vel est
prævisum.

49. Formam quasi Electionis facit *ordo*, quem in
decretis de fine, deq; mediis singulis mens hu-
mana potest concipere: quia secundum execu-
tionis diversas partes, diversas etiam decreti quasi
partes distinguimus. Hic omnium mediorum
ipsiusq; finis complexu constat: ac primò qui-
dem *προνοίας*, deinde *προορισμῶ*, tertio, vocatione
κατὰ προῳδον, quarto, justificatione, ultimò glorifi-
catione Rom. 8, 29. Atq; ita Electorum in Chri-
sto Jesu, & per ipsum cum Deo communione,
& æterna indissolubili unione.

50. Licet enim in æternitate nihil prius nihil poste-
rius; sed simul sint omnia: nostri tamen conce-
ptus ratione, & ordinis respectu, quo res sive effi-
ciente DEO, sive permittente eventuræ erant,
ut integritas boni, & ad imaginem Dei conditi
hominis, ejusdem corruptionem, sic misericor-
diam ipsam miseria & decretum ipsum miseren-
di miseriæ prævisio antecessit, prout & segrega-

D

tio

tio in tempore ante fidem & fidei antecedens
vocatio ponitur, *Gal. 1, 15. Act. 9, 15.*

51. Electionem enim, vel reprobationem ante decretum creationis ponere, est periculosè ordinem invertere, cum eventus sit certo indicio; *primum* sanxisse DEUM hominem bonum, creare, *deinde* labi eundem permittere voluisse: *tertiò*, omnes in uno lapsos in peccatum concludi decrevisse: ac *tandem* æterno beneplacito in Christo Jesu præcognovisse suos, prædestinasse, vocasse.

52. Sicut autem illa quæ *εργα* sequuntur, ejus, sive gratiæ Divinæ dilectionis, electionisq; effecta sunt, ita unum quodq; sui consequentis & singula glorificationis causæ sunt, vocatio & prædicatio fidei, & justificationis, justificatio & fides sanctificationis, amoris in Deum & in proximum, cæterarumq; inter se & glorificationem intermediarum virtutum.

53. Ipsa verò glorificatio, quæ & consummata salus & vita æterna nuncupatur, Electionis quidem, sive *εργασίας* Divinæ ut causæ gratiæ, intermediarum verò causarum quæ fusiùs in scripturis diduci solent, est commune effectum.

54. Finis prædestinationis summus sequentibus in seculis est, manifestatio divinæ misericordiæ in
Electo-

Electorum salute, justitiæ in Filii Dei morte, liberalitatis, sapientiæ & judiciorum in ipsa ex communi sorte infelici in æternam felicitatem electorum translatione.

55. Finis subalternus est, spirituale & æternum summum Electorum bonum, uno verbo SALUS.

56. Electionis adjuncta sunt, æternitas, summa libertas, independentia, mediorum ordinatio, immutabilitas, atq; infallibilis certitudo.

57. *Æterna* Electio est; quia in DEO omnia æterna, & quia in Christo Jesu electi sumus, ante jacta mundi fundamenta, dataq; nobis gratia, jam ante secularia tempora,

58. *Liberrima* est Electio, quia DEUS nemini quicquam debet, & à nullo prorsus dependet, & de suo quodlibet liberè facit.

59. Ut autem à causis secundis & ab omni quod extra DEUM est objecto, sive objecti affectione, absoluta & independens est divina electio: ita à mediis, æterno sapientissimo DEI instituto determinatur, inter quæ *fides* meritum Christi apprehendens eminet.

60. Unde *Perfectissima* dici meretur & est: nihil enim, quod ad ejus perfectionem requiritur, vel in æterno DEI consilio defuit, vel in ejus executione deest, non præcognitio, non prædestinatio

arctius hic sumpta, siue prædefinitio, non vocatio
& fides, nec justificatio, nec glorificatio, siue in-
choata, quæ alio nomine sanctificatio, siue con-
summata & cætera, suo tamen pulcherrimo or-
dine posita & recensita *Rom. 8, 29. 30. Eph. 1, 4. 5.*
Phil. 1, 29. 2. Thess. 2, 13. & alibi, quæ tamen singu-
la, cum concomitatur & perficit, tum antecedit,
mera divina gratia & misericordia.

61. Non igitur simpliciter præcisè, absolutè omnis,
nec hic vel ille, siue credat, siue non credat: sed is-
dem Electus ab æterno censerì debet, qui Chri-
sto fide inferendus, qui in fide Jesu & bonorum
operum studio constanter ad mortem usque est
perseveraturus.

62. Unde rectè quidam contra Huberum assevera-
runt, Electionem *Universalem* esse, respectu o-
mnium verè & perseveranter credentium, *parti-*
cularem autem respectu mundi, quia non totus
mundus: sed pars mundi, illi nempe qui sunt in
Christo Jesu, sunt Electi siue præcogniti.

63. *Immutabilis* in super, usq; ad eò Electio, ut nullis
hominum conatibus partibusq; , nullis diabol-
orum artibus viribusq; , nullis inferni portarū mo-
tibus illa concuti, infringi, aut vel minimum mo-
veri possit, cum Deus à quo immediatè illa pro-
cedit immutabilis sit: nec sapientissimum omni-
potentis præstitutum effectum frustretur suo, nec

verbū ejus excidat, donaq; DEI sint ἀμείνων
64. Nec scientia æterna DEI fallit, quia ipsi numera-
tus & numerans, tam probè, tam exactè, electorū
definitus est numerus : ut nec minui ille possit,
nec etiam augeri, nec nisi suo loco & tempore
qui sq; Electorum esse, quemadmodū & nos qui
in adventu Domini vivi relictī erimus, non præ-
veniemus eos qui obdormiverunt, 2. *Thes. 4.*
15. cum capilli etiam omnes nostri capitis nostro
Patri sint connumerati *Matth. 10.*

65. Jam verò Electī, licet suæ sibi fragilitatis à lapsu
conscij, & suos sæpè manes, vehementissimosq;
tentationum paroxismos perpeffi, se sibi relictos
singulis momentis facile à mundi & Satanæ ille-
cebris, viq; opprimi, & gratia posse excidere no-
rint, & ratione naturalis suæ miseræ conditionis,
judicio humano, electorū numerū minui quasi,
reprobōrū verò augeri posse, exemplo Pauli A-
postoli, *1. Cor. 9, 27.* sibi ob oculos ponūt, quotidieq;
cū timore & tremore salutē operantes, neve à spe
Evangelij dimoveātur procurātes, illud Oratio-
nis Dominicæ ne nos in tentationem inducas, repetant.

66. Ad immutabilitatem tamen Electionis Divinæ
& fidem fidelis DEI, conversi, adiutores esse certō
sciunt, oves Christi Patrisve ejus manibus eripi,
electos totaliter seduci, & quempiam illorum
finaliter perire posse.

67. Quinimò se quoq; in Electorum Catalogum infertos, libroq; vitæ inscriptos esse legitimè colligunt & certò cognoscunt. Primò, ex Generalibus Evangelii axiomatibus, misericordiæ Patris magnitudinem, passionis & meritorum Jesu amplitudinem, & Spiritus donorum copiam deprædicantibus.

68. Quæ in se spectata, tot talia & tanta sunt, ut si vel de lapidibus Abrahæ filii succrescerent, vel mille mundi existerent, ipsis sufficere possent, nedum, ut omnibus in primo Adamo mortuis, damnationiq; mancipatis, ad liberationem, inq; hæredum vitæ æternæ libertatem, asserendam, si tamen verè credant, tria illa ad salutis certitudinem declarandam sufficiant.

69. Alterum Electionis argumentum nobis sacramenta & regni cœlorum claves suppeditant, quæ his legitimè utētib; viva fide præditis nomine Jesu certissimè ad salutem obsignant: tantumq; valent, ac si nostrum singulos coelitus ipse alloquatur Deus. Tu N. N. qui baptizaris, qui absolveris, qui Eucharistia legitimè uteris, es meus, in librum vitæ te inscriptum esse, electum esse, hæredem cœli institutum esse, hoc sacramento publicè coràm omnibus Electis Angelis & Homnibus testor, & per nomen meū juro ego PATER
FILIUS

FILIUS, & Spiritus S. idq; in omni æternitate ratum esse volo; dicat universa creatura & omnia secula seculorum AMEN.

70. Interea quoq; Spiritus S. mysteriorum DEI scrutator, spirituiq; nostro, eorum quæ in electionis rem faciūt, renunciator, tam fidem cordibus certissimū electionis *πνεύματος* in generat: imprimat, auget, confirmat, obsignatq; tum apertè nos esse filios DEI testatur, & ad tribunal DEI in extrema die testabitur.

71. Spiritu S. tanquam arrhabone obsignati Electi, novos in se motus sentiunt, & se jam Electos esse in veritate ita compertum habent, ut coeli terræq; Dominum libera voce, *Abba Pater*, inclamare audeant, & fide per charitatem operante, qui sint, publica oris confessione contestentur.

72. Atq; ita jam adornati & Spiritu S. armati, in acie producuntur Electi, quo Satanæ resistent, mundi vanitatem contemnant, carnē edoment, Deū variè exercentem suos masculè sustineant, infirmiores in fide tolerant, lapsi ad se redeant, assurgant, se potius, quàm alium quempiam spernāt, dijudicent, examinent, probent, omnia omnib. salva tamen veritate esse velint, bonam cōscientiam tueantur, & per decus dedecusq; ad coronam gloriæ strenuè & constanter pergant.

73. Sub-

73. Subindeq; non carnali sed spiritus securitate læti
exclament : *Si Deus pro nobis, quis contra nos?*
Quis nos separabit à charitate Christi ? Scio cui
ore didi! Certus sum, quod neq; mors, &c. neq; cre-
atura ulla alia nos separare poterit à Charitate
DEI, quæ est in Jesu Christo Domino nostro.

74. Ad hanc verò Electionis salutisq; obtinendam,
certitudinem, nec in coelum ascensu, nec ad in fe-
ros descensu, nec per maria cursu, nec humanæ
rationis discursu, neve, ulla alia revelatione opus
est, nisi ea, quàm è sinu Patris unigenitus Filius
nobis firmissimè & respectu præsentis vitæ per-
fectissimè in S. Bibliis propalavit.

75. Quod si Cherubim & Seraphim ad Majestatis
cōtuitum pedes binos, totidemq; oculos velant,
alis duab. verò subvecti suum illud *Sanctus, San-*
ctus, Sanctus intonant: quantò minus terræ ver-
miculi præter illa nobis revelata, alia quæ soli sibi
secreta Rex Regum esse vult, scrutabuntur: sed
magno illi, manifestato in carne DEO, fixi infi-
xiq; suæ illi Electionis principium, incremen-
tum, complementumq;, nunc & æternum in
circuitu throni & animalium, & viginti quatu-
or seniorum, coràm millies centies mille, & decies
centies mille Angelis tribuent. Apoc. 5, 9.

76. Ut

76. Ut autem Consilia, æterna DEI de hominum
in primigenia gratia, creatione, gratiosoq; ante
lapsum regimine, Angelorumq; electio, confi-
lio electionis hominum, suo modo cognata di-
ci possunt: sic DERELICTIO, quam *Reprobatio-*
nem vocare solemus, Electionis est oppositum.

77. Nam & Scriptura *Eligere & Reprobare*. Is: 7, 16.
opponit, & reprobare ponit pro non eligere.
1. Sam. 16, 7. 9. Psal. 78. 67. 68.

78. Non tamen eodem perpetuo sensu verbum re-
probo ἀποδομιάζω & ἀποδομιάζομαι passivum in
Canone accipitur, ut constat ex collatione loco-
rum Psal. 118, 22. Matth. 21, 42. Mar. 8, 31.
c: 12, 10. Lucæ 9, 22. c: 17, 25. c: 20, 17. Heb. 12, 17.
1. Pet. 2, 4. c: 2, 7. fereq; electionis vocis signifi-
cationis varietate respondet.

79. Nec homines tantum, sed & DEUS reprobare
dicitur, sive jam natos ut Jer. 16, 27. & seqq. sive
nondum natos, ut patet ex collatione locorum,
Heb. 12, 17. Gen. 25, 27. Matth. 1, 2. Rom. 9, 11. se-
quentibusq;

80. Ipsa verò æterna reprobatio est æternum DEI
propositum de non præcognitis. Matth. 7, 22. sive
de potentia & ira DEI in illis εἰς ἀπείθεiαν conclu-
sis declaranda, qui vel nunquam, vel ad tempus
tantum, & non sincerè credituri, nec in Christo

E

Jesu

Jesu permansuri, & suistandem in peccatis morituri erant, *Rom. 9, 22. Job. 8, 24.*

81. Talem reprobationē scriptura S. negativē *Deut. 7, 27. c. 25, 13. Joa. 10, 26. c. 17, 9. Mat. 13, 11.* affirmativē verō *Rom. 9, 13. 21. 22. Joau. 12, 39. 40.* concipit & proponit.

82. Reprobi quoq; , sive reprobati, *hadi, maledicti.* *Mat. 25. vasa ira. coagmētata ad interitum.* *Rom. 9, 22.* homines jam olim ad judiciū præscripti *Judæ. v. 4. ad iram cōstituti* 1. *Thels. 5, 9. ad diem malū facti* *Prov 16, 4. indurati* *Rom. 9, 18.* appellātur.

83. Quæ tamen, ut piē Aug: de præd: & gra: c. 4. monet, non ita intelligenda sunt, quasi Deus in homine ipsam, quæ illi non inerat, duritiem cordis & similia mala culpæ operetur: sed quod justè meritoq; unicuiq; justus judex reddat, quicquid potest: prævaricationis culpam natus homo simplicii patitur, culpa ab homine se corrumpente; poena à justo iudice DEO promanente:

84. Nemo igitur à Deo reprobatus dici potest, nisi is, qui examini probationiq; divinæ subiectus, eam sustinere non potest, & se jure merito rejectum esse; per conscientiam inficiari nequit.

85. Excæcari præterea & indurari illi dicuntur, quibus amplior & quandoq; extraordinaria, in vasisq; gratiæ ad salutem efficacissima divinitus adhibita,

hibita collustratio & emollitio, proprio ipsorum vitio, in maiorem condemnationem cedit.

36. Quemadmodum enim cera liquefit, at limus durefcit, uno eodemq; igni, ita & quivis post lapsum natura filius iræ dura petra exiftit, & ita cōparatus eft, ut nifi in eo cor novū creet Deus, quod externè proximius & vehementius gratia Dei convenitur: eò fe ipsum magis hoc beneficio indignum præftet, magisq; atq; magis detestandū & iræ Dei gravioribusq; poenis obnoxiiū reddat.

37. Nec fecus ac cadaver, quod illud acrioribus radiis Sol contingit, eò magis foetet, non puriffimi luminis: sed suæ impuritatis corruptionisq; vitio: Sic & Judæi, Pharaos, cæteri q; reprobi, clariffimis divinis eloquiis stupendisq; miraculis, quæ illos ad meliorem frugem accendere debebant, inexcusabiles durioresq; facti, videntes intelligentesque nec viderunt, nec intellexerunt, sed prorsus occalluerunt, peccato ipsorum manente & ira Dei graviore illos insequente.

38. Ex quo igitur Adam primū peccavit, & totum humanum genus ipsius in lumbis mortuum, subq; condemnatione conclusum est, exinde jam, sufficientiffima in nobis ipsis, iustiffimo iudici caussa exiftit, omnes prorsus, nemine excepto, deferendi, reprobandi atq; damnandi.

89. Homo enim penitus ex primo Adami lapsu morte æterna sopitus obduratusq; existit, qui sua sponte se in vitam erigere, ex dominio peccati, ex imperio Satanæ se eximere, se emolire, scintillam aliquam fidei à se concipere, vel se vocatio-
ne illa, à quâ fides oritur, dignum præstare, aut ad minimum vocatus externè, internè audire, voca-
tioniq; sanctè respondere nequit.
90. Nō singuli tamen hi ita ex æquo omnes in pec-
cato & *et* *et* *et* conclusi, atq; ita jam iudicio Dei reprobari in æternum dignissimi, sed soli illi, qui non credunt in Filium Dei & in peccatis suis per-
sistunt moriunturq; æterno Dei decreto repro-
bati appellandi: cæteri siquidem, qui non suo
motu aut dispositione aliqua sibi inexistente,
sed gratia Dei credunt, & in pietate perseverant,
ad vitam æternam electi nominantur.
91. Quæ cum ita habeant, gravis controversia exori-
tur de parium in reprobatione & condemnatio-
ne sorte impari: undeq; illud sit, quod quidam
credant, quidam verò non credant, alii bono
motu, voluntate facultateq; in fide & bono pro-
posito & pietate perseverandi instructi sint, alii
his omnibus penitus destituti.
92. Quod electis devotissimè suscipiendum, gratif-
simeq; perpendendum: at redarguendi in iustitiæ
Deum

Deum causâ quærere, licet sit in insaniam prophanæ vocis erumpere, ut ritè censet Aug: l. de præd: & gra: c. 3. cum nec in contractibus hominum debitor creditorem iniquitatis audeat redarguere, si alteri donans, illum in carcerem compingat, ab eoq; quod debet exigat:

93. Quia tamen quæstio hæc D. Apostoli Pauli temporibus mota Aug: cæterosq; veteres Orthodoxos Patres & majorum nostrorum memoria, Lutherum quoq; & Symmystas ejus vehementer exercuit: & nunc etiam maximo fervore an furore dicam, controversia hæc agitur augeturq; non debet à nobis sicco pede præteriri.

94. Ac primò quidem, sunt quidam, qui reprobationis reproborum causam in solam meram voluntatem DEI rejiciunt, innixi illi Apostolico axiomati *αἱ ἐξ ὧν θελὶ ἐλεει, καὶ οὐ θελὶ συληγόνε*, quem vult indurat, Rom. 9, 18. quo referunt & antecedentia quædam & tum ejusdem cap: tum: 10. & 11. sequentia, ut & illa quæ extant *Matth: 11, 25. 26. c: 20, 15.*

95. Contra alii, peccatum causam reprobationis esse, cum exemplis, tum testimoniis scripturarum evincunt: quæ habentur *Matth. 25, 41. & seqq. Rom: c: 1, 17. & seqq. ad fru: c: 2. toto. cap: 9, 22. & zech: 18, 4. Ephes: 5, 6. & locis pluribus aliis.*

96. Alii denique cum Bellarm: lib: de grat: & lib: arbitri: l. 2. c. 16. contendunt causam reprobationis impiorum, partim ad solam DEI voluntatem, partim ad peccata prævisa referendam esse.

97. Atque hic jam pars ad illas, quæ in speciem pugnare, suæque opinioni oppositæ esse videntur, scripturas conciliandas voluntatis divinæ in antecedentem & consequentem distinctionem usurpat: pars altera decretum DEI, à decreti executione dispescit, & vel jus divinum in absolutum & in lege ordinatum tribuit: vel voluntatem DEI in absconditam & revelatam partitur: quod & Luthero tritum in Diatribe & Comment: super Genesin.

98. Scholastici etiam & cum his Bellarm: contr: de amiss: grat: l. 2. c. 15. & de grat: & lib: arb. l. 2. c. 16. duos reprobationis actus faciunt, unum positivum puniendi reprobos propter peccata, alterum negativum non miserendi merè *εὐδοκῆν*.

99. De quibus distinctionibus plerisque, quia alibi copiosius egimus, hic tantum ipsam reprobationem, desertionem & damnationem in absolutam & oppositam, seu absolute & comparate consideratam, dispescimus: duasque distinctas responsiones ad duas quæstiones, ne fallacia plurium interrogationum errorem pariat adhibendas,

das, oportet precium et Testamur: quoniam
 simplex est, *Cur aliquem DEUS reprobet?* Al-
 tera duplicata: *Cur unum eligat, alterum repro-*
bet?

100. Cum ergo simpliciter & absolute quaeritur:
 Cur aliquem DEUS reprobet? Hic reprobationis
 causa meritoria nulla alia quam peccatum
 assignari potest.

101. DEUS enim licet ei majus in massam à se creatam
 integram jus sit, quam figulo in lutum, ita ut ex
 illa materia ex qua hominem creavit, quicquid
 liberet ei creare lieuerit: hoc enim est absolutæ
 ipsius omnipotentiae: quia tamen apud ipsum
 non est iniquitas *Rom. 9, 14. Prov. 17, 15.* nemi-
 nem reprobat, nisi peccatorem: ac ne potest qui-
 dem dici DEUS salva justitia sua reprobare ali-
 quem, nisi sit peccator. Atque ita nec decretum,
 de homine reprobando, aut deferendo in æter-
 nitate fieri potuisse pie credimus, nisi intuitu
 peccati, sicq; propter peccatum.

102. In responsione igitur ad hanc quaestionem, *Cur*
quidam reprobenentur, evdentiav & jus DEI absolu-
 tum prætere otiosum est, periculosumque,
 & ut cum scandalo conjunctum, ita temerariis
 judiciis obnoxium & desperabundis conscien-
 tiis parum proficuum.

103. Quos;

103. Quos scopulosevadere , vix ac ne vix quidem
hactenus potuerunt, ne distinctionibus quidem
inter necessitatem infallibilitatis & coactionis
& inter absolutum à caussis secundis & à mediis
subordinatis & similibus adhibitis , illi qui scri-
psere docuerévè , decreti reprobationis extra
DEUM causam esse nullam, nullam ejus volunta-
tem conditionatam esse , esse omne decretum.
DEI absolutum & efficax & hoc ipsum attulisse
Adamo labendi, posterisq; ejus peccandi , Judæ
Christum prodendi necessitatem.

104. Tam enim parum est, damnationis & rejec-
tionis alicujus hominis, causa decretum : ut quam-
vis nullum Deus de hominibus eligendis repro-
bandisq; decretum fecisset, ratione tamen justi-
tiæ ejus futurum fuisset , ut omnes ab eo defere-
rentur ac damnarètur, qui in Adamo *eis ἀπειθήσαντες*
conclusi peccata peccatis cumularunt , & in pec-
catis mortui sunt.

105. Cum igitur de Gergezenis, non quidem omni-
bus, sed saltem illis , qui omni procul dubio sunt
condemnati, quæritur, *Cure eos DEUS reproba-
vit? Cur illis Servator mundi Evangelium non
annunciavit ?* Respondetur: Quia ipsi indigni
tanta gratia exoraverunt, ut ab ipsorum finibus
discederet, *Matth. 8, 34.*

106. Quare

106. Quare Hierusalem deseruit reliquitq;? Quia Hierusalem Prophetas, Sapientes, Scribas, justos ad se missos trucidavit, cruci affixit, flagellavit, persecuta est, & DEO pullos ejus suas sub alas congregare volente, ipsa noluit: *Matth. 23, 34.* Cur Judæi, ipsorumq; posterius hucusq; ex parte saltem rejecti præteriti, damnati? Quia sermonem DEI repulerunt, se vitæ æternæ indignos judicarunt. *Act. 13, 46.* & quia se posteritatemq; suam, sanguinis Messiae horribili anathemate, damnaverunt.
107. Sic Judas, fur, suiq; domini proditor desperatus fuit: alii doctrinæ coelestis corruptelis, alii enormibus flagitiis sibi suisq; justissimas pœnas accersiverunt, alii Consilium DEI adversus semetipsos spreverunt: alii post degustatum bonum DEI verbum ac virtutes futuri seculi, prolapsi sunt, & ad vomitum redierunt, & rursus sibi metipsi Filium DEI crucifixerunt, ad ignominiam exposuerunt, conculcaverunt: sanguinem, fœderis, per quem sanctificati sunt, prophanum duxerunt, & Spiritum gratiæ contumelia affecerunt.
108. Quinimò perpetuò jam certum est, non damnationis tantum, sed reprobationis desertionisq; causam peccatum esse eorum, qui primi DEUM deseruerunt, deseriq; & reprobari & damnari, meruerunt.
109. Cæterum cum simul semelq; omnes, ne uno quidem exempto, post primogenum Adami lapsum damnari meruerint, Regio id, præter cæteros divinos autores, vate *Psal. 13, 2. Psal. 14, 2. & seqq. Psal. 103, & 143, 3.* Jam alia quæstio exoritur, quâ oppositè & comparatè quæritur: Cur nempe DEUS in pari sorte natis delictum faciat.

no. Nam hic negari non potest, DEUM ab unâ parte pro summa sua iustitia, Adamum cum universa ipsius posteritate, nemine excepto, simul & semel reprobationem meritos, potuisse fide non donare, atque ita in æterna, quam meriti fuerant morte relinquere: potuisse, quoq; è contrario DEUM pro sua omnipotente misericordia eundem Adamum cum universa ipsius posteritate, nemine excepto, reprobationem meritos, in finem usq; perseverante fide donare, atq; ita in æternam, quam nullus meruerat, vel mereri poterat vitam erigere, reponereq;.

III. Hoc verò, cur non fecerit, sed cur alios fide, quæ non est omnium, 2. *Thess.* 3, 2. nec nisi DEO donante haberi potest, donet, alios non donet, atq; id quod in tempore facit, cur quoque ab æterno facere decreverit: Cur ita prorsus liberrimum, omnipotens, iustissimum & summæ misericordiæ agens, & non aliter sanxerit, Nos vel non, quærendum esse censemus: vel si importunius quærat, tum demum ad DEI *θελησιν*, ad altam, sive profundam sapientiæ cognitionisq; divinæ opulentiam confugiendum, ad penitus recondita ejus judicia, ad abstrusas rationes, sive vias impervestigabiles ejus appellandum & in Opt. Max. Patris coeli terræq; Domini integerrima, injustitiæq; purissima *εὐδονία* sive placito finaliter conquiescendum, esse, nec plus ultra audendum sanctè asserimus, freti apertis scripturis, quæ extant *Matth.* 11, 25. 26. *cap.* 20, 15. & quæ sunt inserta 9. 10. & 11. ad *Rom. Epist. capi-*ribus.

II2. In quo nobis, ne alios nominemus ex Tubingensibus ad stipulatur D. Heerbrandus loco, de Electione Cōpendii aucti Tubing. impressi ann. 1578, Cujus ad
qua-

questionem, Cum verò fides peculiare DEI donum sit, cur hoc uni datur, alteri verò non? Sequentia hæc pro conclusione propria sunt. p. 482. 483. Edit. Lipsienf. ann. 79. p. 368. 369. *Ideo hic quid respondeamus, aliud non habemus, nisi quod aliter fieri non debeat. Quia nemini quicquam debet: sed quorum vult miseretur, Et non esse injustitiam apud eum. Et cū Apostolo dicamus: O homo, tu quis es, qui ex adverso respondes DEO? Num dicit figmentū fictori suo; cur me ad hunc finxisti modum? An non habet potestatem figulus luti, ut ex eadem massa fingat, aliud quidem vas in honorem, aliud verò in ignominiam? Et exclamemus cum eodem: O profunditatem divitiarum, sapientie & cognitionis DEI, quam inscrutabilia sunt judicia ejus & impervestigabiles via ejus! Nemini quicquam debet. Quis prior dedit illi, & retribuetur ei? Item: Annon habeo potestatem de meo dandi & faciendi quod volo i. Matth. 20.*

113. Prævit nobis & Heerbrando longè antè, post Christi-
tum tamen, Prophetas & Apostolos eadem cum sententia Episcopus in toto orbe notissimus, verba sunt Hieronymi de Augustino Ep. 11. Prævit, inquam, cū ejusdem confessionis insignibus nobis Doctor clarissimus in Orthodoxa antiquitate ille, quē Celestinus Papa, & ex eodem Rob: Bell. ita dilaudant, ut dicant, *eum semper habitum à Romana Ecclesia pro Ma-*

gistro optimo, & nunquam eum fuisse saltem rumore sinistra opinionis aspersum Bell. contr. T. 4. de grat. & lib. arb. l. 2. c. 11. p. 804.

114. Ex quo, si liberet, opusq; esset, liceret, ejusdem planè moneta plurima exhibere: sed unicum in praesentiarum sufficiat, quod lib. de Prædest. & grat. c. 11. sic habet: *Reditur ad parvulos, reditur ad geminos. Parum dixi, reditur ad necdum natos, qui & eodem concubitu seminati, & eodem momento in lucem fuerant proferendi. Eis discrepans diversumq; judicium divinae voluntatis apparens, sensus hominum de voluntate DEI superbe nimium disputantes magnitudo questionis obturbat.*

115. *Exalta jam vocem tuam ô injustè accusator justè, & dic mihi, quid ille commisit, quid boni ille meruit? Et respondet tibi, non ego; sed Paulus nihil quidem ambo meruerunt: (si nempe primævam ab Adamo contractam labem excipias) sed habet potestatem figulus luti, ex eadem massa facere, aliud quidem vas in honorem, aliud autem in contumeliam.*

116. *Dicturus es quare? Quæ est Judicii tam confusa diversitas? Rursus hanc presumptionem ille confutet & dicat. O homo, tu quis es, qui respondeas DEO? maxime quia ad illam humanorum actuum comparationem rursus intentio conversa respondet. Injustitia non posse argui creditorem, qui*

qui duobus debitoribus tale voluerit habere iudicium, ut uni donet, ab alio exigat: quod ab utrisq; debetur.

117. Et certè in omnibus humana conversationis actibus, atq; contractibus ad discernendum aliquid, ad dijudicandum hanc, quàm videmur aliquam probare iustitiam, ex ineffabili divinæ iustitiæ plenitudine, in humilitatis nostræ corda manare manifestum est, B. Joan: hoc in suo Evangelio confirmante. Quoniam omnes de plenitudine ejus accepimus.

118. Quod scita est, quāt tandem impudentia homo de DEO, lutum de figulo iudicabit, nō solum dicens: Quid me fecisti sic? sed etiam de aliis damnabili curiositate perscrutans & dicens: Quare de eadem massa fecisti, alium quidem sic, aliū verò sic.

119. Si humanum genus, quod creatum primitus consistat ex nihilo, non cum debita mortis & peccati origine nasceretur, & tamen ex eis creator omnipotens, in æternum non nullos damnare vellet interitum, quis omnipotenti creatori diceret, Quare fecisti sic? Qui enim cum non essent, esse donaverat, quo fine essent, habuit potestatem, nec dicerēt ceteri, cur paribus omnium meritis divinū discrepat arbitrium. Quia potestatem habet figulus luti ex eadem massa facere, aliud quidem vas in honorem, aliud verò in contumeliā.

Nunc

120. Nunc autem cum damnatis pœna iusta reddatur, salvatis autem gratia donetur indebita; quis usq; adeò humana conditionis oblitus Divini sensus arcana discutiât, ut cum ipse pœnam meritò fuerit consecutus, quærat, cur alius gratiam, quæ non debebatur ei, acceperit.

121. Hanc itaq; divinam Electionem, non meritis reddi; sed solâ voluntatis munificentia donari hominibus Moyses, quum jam tunc quamvis carnalem populum doceret, ostendit. Sic enim evidenter in Deuteronomio dicit populum: Ecce Domini DEI tui cœlum est, & cœlum cœli, terra & omnia quæ sunt in ea: verumtamen Patres nostros elegit Dominus diligere eos, & elegit semen eorû post ipsos, vos præ cæteris gentibus. &c.

122. Atq; ex his jam omnibus apparet: 1. Reprobationis in æterno DEI decreto ex præscripto immutabilis ejus justitiæ, cum primum, tum cætera omnia peccata, & præcipuè finalē incredulitatem *antecedens causamq;* esse, eandemq; *ὁλικὴν* futuram fuisse; si cum omnibus DEUS in jus venire voluisset.

123. II. Quod quidam fide per charitatem operante, & ad extremum perseverante præditi electiq; sunt, ineffabili in solidum misericordiæ æternoq; divino beneplacito, devotissimè acceptum ferendum.

124. III. Quod deniq; reliqui fide interius non donentur, vel insuper, præconio etiam Evangelii exterius prorsus, sive ad brevius tempus, *Act. 16, 6. 7.* sive ad aliquot secula, *Act. 17, 30.* atq; ita prorsus prætereantur; hoc

hoc orbis totius moderatoris iudicio iustissimo, severissimoq; deferendum. Et utrumq; posterius voluntati nemini prorsus obnoxii liberrimè agentis & discernentis Domini cum timore & tremore inscribendum esse.

125. Quamvis, ne hic quidem mera & simplex DEI voluntas, imperiosè urgenda, cum DEUS si ferat auxilium misericors, si nō ferat, justus esse credi debeat. August. in quæst. Vet. T. 37. cap. Sed præstat cum eodem venerabili Patre religiosè fateri. Ejusce etiam discriminis occultam quidem causam esse, injustam verò esse non posse.

126. Tanta quippe (Antonini Aurelii Imperatoris verba sunt) est intelligentia humana parvitas, ut infinitis partibus plura sint quæ nescit, quàm quæ novit: nihilq; omnium est quæ DEUS facit, cujus licet nobis ignota causa sit, rationem tamen æterna ipsius nesciat sapientia. Horol. Princ. l. 1. c. 25.

127. Cum igitur, Religione nobis hic & conscientia nostra præscribente, injustum esse non potuerit, id etiā, quod de operibus suis nos latere voluit Altissimus, ut occulta ipsius non scrutanda, sic quæ manifesta fecit non neganda: ne in illis illicitè curiosi, in his verò damnabiliter inveniamur ingrati, Ambrosio sive Prospero l. 1. de Gent. vocat. hoc ipsum inculcante. Quos ut sic temperarent linguam & mentem, docuit Ijobus c. 11. v. 6. *Mysteria* (inquit) *occulta sapientia DEI duplo majora sunt iis, quæ existunt.* ut habet versio Tremell, Et Moyses Deut. 29. v. 29.

Quæ

*Qua occulta sunt, penes Iehovam DEUM nostrum
sunt: at quæ revelata, nobis & filiis nostris usq;
in seculum revelata sunt.*

128. Atq; hunc ad modum tractata Prædestinatio, DEUM
ut par est extollit, ejus justitiam, potentiam, jus, fas,
rationesve asserit, hominem suo maximo periculo tu-
midum, lege naturæ, & perfectiore Scripturæ, pecca-
tum indicante, iram operante deprimit, agnitione
peccati prostratum miserum peccatorem in spem gra-
tiæ gloriæq; indebitæ certissimis Evangelii promissio-
nibus DEI sublevar, curiosas, perniciosas & furiosas
quæstiones non movet; simplicium verò sensus & in-
tellectum in viâ veritatis pro virili promovet.
129. Hunc ad modum tractata Prædestinatio, omnes Stoi-
corum, Prædestinatorum, Pelagianorum, SemiPela-
gianorum Epicuræorumq; Syrtes, Charybdes, Scyl-
las, cum bono DEO, citra ullum salutis discrimen, ve-
ritatisq; jacturam prætervehitur & evadit, JESUMq;
CHRISTUM unicum vitæ æternæ portum tuto &
quietissimè respicit, tenet & obtinet.
130. Ad hunc modum Prædestinatio non tantum in Scho-
lis & Academiis inter doctos; sed etiam apud univer-
sum populum Christianum suo loco & tempore ad
DEI gloriam & fidelium ædificationem proponi pot-
est, & in timore DEI prudenter & sobriè expli-
cari debet: quod hactenus à nobis
etiam cum bono DEO
factum est.



ma

2

M

is,

u-

a-

c

a-

o-

is

a-

i-

-

-

-

-

-

-

-

-

-

-

-

-

-

-

-

-

-

-

-

-

-

-

-

